

瓊州府志卷之二十九

官師志一 宦績上漢三國吳隋唐宋元

漢

路博德西河平周人初為右北平太守元狩四年以功封邳離侯遷衛尉元鼎五年南越叛乃以博德為伏波將軍同楊僕往討之師分五路博德次於桂楊下湟水與僕會番禺粵素聞伏波名皆降於博德 黃通志 呂嘉建德與其屬數百人亡入海伏波因問所得降者以知呂嘉所之遣人追之 史記尉佗傳 六年十月得呂嘉首遂定越地以為南海蒼梧鬱林合浦

瓊州府志

卷二十九

官師 宦績

一

交阯九真日南珠崖儋耳郡 漢書武帝紀 論功博

德仍舊侯惟益封六百戶今連州湟水土有

伏波將軍廟蓋報功也 郝通志 南越自三代不

曾有秦雖遠通置吏旋復為彝邳離始開九

郡 蘇軾伏波廟記 宋宣和中詔封忠烈王 李綱武廟記 祀

名宦

楊僕宜陽人以千夫為吏稍遷至主爵都尉列為九卿及伐南越又拜為樓船將軍以摧鋒却敵有功元鼎六年三月乙酉封將梁侯 黃通

志 祀名宦

孫豹會稽人父幸武帝末為珠崖太守調廣幅

布獻之蠻不堪役遂攻郡殺幸於是豹合率
善人還復破之自領郡事討擊餘黨連年乃
平豹遣使封還印綬上書言狀制詔卽以豹爲
珠崖太守威政大行獻命歲至黃通志○調
廣幅布謂
取而增其幅也漢志大人輸布而幸廣其幅耳
丈謂之寶布則此恐卽寶布而幸廣其幅耳
○院志按善官名漢晉時西南夷及南蠻
皆置善長善人者善長所率之衆也
祀名宦

馬援字文淵扶風茂陵人也輔光武中興爲虎
賁中郎將建武十七年交阯女子徵側與女
弟徵貳反寇略嶺外六十餘城於是璽書拜
援伏波將軍遂緣海而進隨山刊道千餘里

瓊州府志

卷二十九

官師 宦績

一一

十八年軍至浪泊山上與賊戰大破之明年
正月斬徵側徵貳傳首洛陽封援爲新息侯
進擊餘黨嶠南悉平立銅柱爲漢之極界往
來南海撫定珠崖調立城郭置井邑立珠崖
縣二十年秋振旅還京師黃通志時世祖初平
天下民勞厭兵方閉玉關謝西域况南荒何
足以辱王師非新息苦戰則九郡左衽至今
矣蘇軾伏波廟記宋宣和中詔封佑順王李綱威武廟記後
雷瓊二郡多祀路博德及援爲伏波將軍祠
迄今不廢郝志通祀名宦

僮尹丹陽人舉孝廉爲郎需次京師永平十七年

春二月儋耳慕義貢獻是時甘露頻降樹枝內
附公卿百官皆以爲祥瑞顯應徵在遠人乃集
朝堂稱觴上壽適張純子奮襲武始侯來朝亦
與焉尹從奮引見便殿應對合旨顯宗奇尹才
美因拜尹儋耳太守尹至郡敷政未久下詔擢
爲交阯刺史還至珠崖戒勅官吏毋貪珍賂勸
諭其民毋鏤面頰以自別於尙俚雕題之習自
是日變建初中以尹能匡俗信民厚加賞賜遷
武陵太守

黃通志

祀名宦

三國吳

聶友字文悌豫章人也少以才諳錄爲縣吏虞翻

瓊州府志

卷二十九

官師 宦績

三二

與語而奇焉至都諸葛恪遂與友善孫權將圖
珠崖恪薦友爲珠崖太守詔加友將軍與校尉
陸凱同往執馘奏捷留友治之友慮師久致疫
簡其精銳自衛餘先遣還權大悅徵爲丹陽太
守

黃通志

祀名宦

陸凱字敬風吳郡人丞相遜族子赤烏中除儋耳
太守同將軍聶友討珠崖斬獲有功遷建武校
尉拜偏將軍封都鄉侯孫皓立累遷左丞相建
衡元年疾篤皓遣人問所欲言凱陳樓元賀邵
張悌滕脩及族弟喜抗皆社稷之楨幹也後俱
以忠節聞

同上

祀名宦

譙國夫人馮洗氏北燕馮宏之後高涼太守馮寶之妻也幼賢明能行軍用師壓服諸越海南儋耳歸附者千餘崙歐陽紇謀反夫人發兵拒境紇徒潰散以功封其子僕信都侯加平越中郎將轉石龍太守洗封石龍郡太夫人陳國亡隋文帝遣總管韋洸安撫嶺外夫人知陳亡集首領數千人盡日慟哭乃遣其孫魂率衆迎洸嶺南悉定表魂爲儀同三司贈寶爲廣州總管洗封譙國夫人開皇十一年番州總管趙訥貪虐諸俚獠多有亡叛敕委夫人招慰夫人親載詔

瓊州府志

卷二十九

官師 宦績

四

書自稱使者歷十餘州宣述上意諭諸俚獠所至皆降文帝賜夫人臨振縣湯沐邑一千五百戶贈僕爲崖州總管平原郡公仁壽初譙國夫人卒諡曰誠敬夫人

北史譙國夫人傳

祀名宦

唐

王義方泗州漣水人孤且寡事母謹甚淹究經術補晉王府參軍直宏文館素善張亮亮抵罪義方貶儋州吉安丞

黃志通

行至海南舟人將以酒

脯致祭義方曰黍稷非馨義在明德酌水而祭爲文曰思帝鄉而北顧望海浦而南浮必也行愆諸已義負前修長鯨擊水天吳覆舟有如因

忠獲戾以孝見尤四維廓氛千里安流靈應如
響無作神羞時當盛夏風濤蒸毒既而開霽南
渡吉安蠻俗荒梗義方召諸首領集生徒親爲
講經行釋奠之禮清歌吹籥登降有序蠻酋大
喜貞觀二十三年改授洹水丞時張亮兄子皎
配流在崖州依義方而卒臨終託以妻子及致
屍還鄉舊唐書本傳義方許之以皎妻少故與之誓
於神使奴負柩輟馬載皎妻身步從之既葬皎
原武歸妻其家而告亮墓乃去洹水遷雲陽丞

黃通志 祀名宦

韓瑗字伯玉京兆三原人仲良之子少負節行博

瓊州府志

卷二十九

官師 宦績

五

學曉吏事累遷黃門侍郎同中書門下三品高
宗將立武氏廢王皇后幽之瑗再三力諫悲泣
不能自勝帝大怒促令引出尋而尙書左僕射
褚遂良復忤旨左授潭州都督瑗又上疏理之
竟不見聽瑗憂憤表歸田里不報顯慶二年許
敬宗李義府希武氏旨奏瑗與遂良潛謀不軌
坐貶振州刺史至州謹默泣事踰年卒年五十
四明年長孫無忌死義府等復奏瑗與無忌通
謀上遣使殺之既至瑗已死發棺驗視乃還神

龍元年詔復瑗官爵黃通志 祀名宦

宋慶禮洛州永平人舉明經授衛縣尉則天時遷

大理評事充嶺南採訪使時崖振五州首領更相侵掠荒俗不安從前使者至輒苦瘴癘莫敢往慶禮躬至其境詢問風俗諭首領以大義皆釋讐相親州士於是安堵遂罷鎮兵五千人

唐舊

書良吏傳

歷監察侍御史以習識邊事爲度支營田使兼營州都督卒贈工部尚書慶禮爲政嚴而少私吏畏威不敢犯太常博士張星以奸巧自是諡曰專禮部員外郎張九齡申駁曰慶禮國勞臣在邊陲三十年往城營州士纔數千無甲兵疆衛指期而往不失所慮遂罷海運收歲儲邊亭晏然其功可推不當醜諡改諡曰敬

黃通志

瓊州府志

卷二十九

官師 宦績

六

祀名宦

杜佑字君卿京兆杜陵人累官戶部侍郎判度支建中初河朔用兵佑上議言救弊莫若省用省州俄遷御史大夫嶺南節度使佑至廣爲開大衢疏析廛閭以息火災朱厓黎氏三世保險不賓佑討平之召拜尚書右丞復相德宗年老以光祿大夫守太保致仕元和七年卒贈太傅諡曰安簡佑資嗜學雖貴猶夜分讀書先是劉秩摭百家倣周六官法爲政典二十五篇佑以爲未盡因廣其闕參益新禮爲二百篇名曰通典

奏之優詔嘉美儒者服其書約而詳爲人平易
遜順與物不違忤天性精於吏職爲治不皁察
其政行足稱云黃通志 祀名宦

李復字初陽隴西人以蔭累官容州刺史遷廣州
刺史兼御史大夫嶺南節度觀察使勸導百姓
令變茅屋爲瓦舍舊唐書李嵩傳 瓊州久陷於蠻獠貞

元初復累遣使諭之仍遣兵剿其元惡五年收
復瓊州因奏置瓊州都督府以撫綏其民疏言
瓊州本隸廣府管內乾封年山崗草賊反叛遂
茲淪陷至今一百餘年臣令判官姜孟京崖州
刺史張少逸併力討除今已收復舊城且令降

瓊州府志

卷二十九

官師 宦績

七

人權立城廂竊以瓊州控壓賊崗請昇爲下都
督府加瓊崖振儋萬等五州招討遊奕使其崖
州都督請停從之遂教民陶瓦爲屋以免颶風
之患復曉於政道所在稱理徵拜宗正卿累加
檢校尙書左僕射卒贈司空黃通志 祀名宦

韋執誼京兆人幼有才進士及第對策異等授右
拾遺順宗朝爲尙書右丞同中書門下平章事
永貞元年憲宗受內禪坐王叔文黨貶崖州司

戶參軍嘗攝郡事

按李肇國史補崖州差有其

文非若今時只

舊宰相謫外鮮留心政理執誼

臨民惟謹黃通志

始未顯時不喜人言嶺南州縣

既爲郎嘗詣職方觀圖至嶺南輒瞑目命左右
撤去及爲相所坐堂有圖不就省旣易旬試觀
之崖州圖也以爲不祥惡之果貶死新唐書因
家瓊山著有規譜貽於世蕭志祀名宦

趙昌字洪祚天水人李承昭爲昭義節度辟昌在
幕府貞元七年爲虔州刺史屬安南都護爲夷
獠所逐拜安南都護夷人率化十年因屋壞傷
脛懇疏乞還以檢校兵部郎中裴泰代之舊唐書

傳入爲翰林祭酒未幾安南州將逐裴泰德宗
召昌問狀時年踰七十占對精明帝奇之復拜
安南都護詔書至人相賀叛兵卽定憲宗初立

瓊州府志

卷二十九

官師 宦績

八

詔加昌檢校戶部尙書遷嶺南節度使降輯陬
荒瓊管儋崖振萬安等州崙俚來歸爲圖以獻
往來鯨海撫安備至夷寇無復侵掠瓊人尤德
之以勞徙節荆南召入再遷工部尙書兼大理
卿遷太子少保卒贈揚州大都督諡曰成黃通志
祀名宦

李德裕字文饒眞定贊皇人初爲翰林學士凡詔
令典冊多出其手敬宗遊幸無常昵比小人視
朝月不再三德裕時爲浙西觀察使獻丹宸六
箴優詔答之文宗己酉秋徵爲兵部侍郎庚戌
十月轉西川節度使至鎮作籌邊樓圖蜀地形

日召習邊事者訪以險要未閱月皆若身歷乃
練士卒葺保障積糧儲以備邊蜀人相安因索
南詔所掠百姓得四十人辛亥十月吐蕃維州
副使悉怛謀來降德裕遣兵入踞其城具狀上
之下尙書省集議皆如德裕策上聽牛僧孺說
不受事竟沮壬子十一月入爲兵部尙書癸丑
二月進同平章事時朋黨愈盛邪正混淆未幾
出爲山南西道節度使自陳願留又爲兵部尙
書尋復爲鎮海節度使庚申九月又爲門下侍
郎同平章事武宗癸亥四月德裕請討澤潞算
無遺策功成加太尉贈爵衛國公丙寅三月宣

宗卽位朝罷謂左右曰適過我非太尉耶每顧
我使我毛髮灑浙於是以德裕同平章事充荆
南節度使執政白敏中竭力排之以爲太子少
保分司尋貶潮州司馬戊辰九月再貶崖州司
戶賈志大中三年正月方達珠崖郡十二月卒年
六十三德裕以德業自負特達不羣好著書爲
文獎善嫉惡位極台輔而讀書不輟雖倉皇顛
沛之中猶留心著述雜序數十篇號曰窮愁志
阮通志懿宗咸通元年冬十月拾遺劉業言德裕
父子爲相歷著功績竄逐以來血屬將盡宜賜
哀憫詔追復官爵贈左僕射賈志祀名宦

張鵬饒州德興人宣宗日謂宰臣曰宜擇文武儒
臣爲河南節度掌書記遂以鵬對引見於思政
殿吐蕃賀繼部落犯邊堡鵬率數千騎敗之上
嘉賜朱衣金魚懿宗立表爲瓊管五州招討使
知瓊州軍州事甚有威惠被薦入爲羽林金吾
二將軍屬蠻人渡瀘鵬疏溪洞請狀攻守備用
尋拜嶺南西道節度使

黃志

通 祀名宦

宋

周仁浚汝南人開寶間初平嶺南以仁浚知瓊州
既至疏薦漢舊官駱崇璨等四人列上分知儋
崖振萬安四州因俗而治綽有政績祀名宦

黃通

瓊州府志

卷二十九

官師 宦績

十

志 後居上邕

李崇矩字守則潞州上黨人太平興國中由邕貴
潯賓橫欽六州都巡檢使移瓊崖儋萬四州都
巡檢使麾下軍士咸憚於行崇矩盡出器皿金
帛凡直數百萬悉分給之衆乃感慨黎賊擾動
崇矩悉抵其崗穴撫慰以己財遺其酋長衆皆
懷附在嶺南四五年恬不以炎荒嬰慮舊涉海
多攜舟俟便風或旬餘或彌月崇矩往來皆一
日而渡未嘗留滯士卒僮僕隨在皆無恙代還
拜右千牛衛上將軍端拱元年卒贈太尉諡元

靖

黃志

通 祀名宦

張岐字邵卿崇安人真宗朝以秘書丞知瓊州瓊俗悍朴牧守御得其道則歲時以香蠟魚果爲獻否則羣起爲盜岐鎮以清淨却饋獻民夷服其廉介其地多颶風能拔屋盛夏猶寒岐教以立屋之法稍免其患後倅曹州移瀛州黃通志祀名宦

宋守之不傳籍貫慶厯間知瓊州教諸生讀五經於先聖廟建尊儒閣暇日親爲講授置學田以資膏火由是州人始知好學郝通志祀名宦

杜杞字偉長京兆人慶厯中爲廣西轉運使時區希範寇破瓊州杞以計攻破之遂復瓊州因伏

兵擒諸蠻寇六百餘人尋得希範醢之海南遂平終環慶經畧安撫使杞性强記博覽書傳通陰陽術數之學自言吾年四十六死矣未幾卒有奏議十二卷黃通志祀名宦

陳堯叟字唐文蜀之閬州人解褐光祿寺丞遷秘書丞再遷工部員外郎廣南西路轉運使先是歲調雷化高藤容白諸州兵使輦軍糧汎海給瓊州其兵不習水利率爲沉溺咸若之海北岸有遞角場正與瓊對伺風便一日可達與雷化高太平四州地水路接近堯叟因規度移四州民租米輸於場第令瓊州遣蜚兵具舟自領人

以爲便代還加刑部員外郎充度支判官會撫水蠻酋殺使臣擾動命堯叟爲廣南東西兩路安撫使賜金紫遣之事平遷兵部拜主客郎中後拜右僕射卒贈侍中諡曰文忠黃通志 祀名宦

胡則字子正婺州永康人以進士起家爲京西轉運使遷禮部郎中徙廣南西路轉運使有番舶遭風至瓊州且告食乏不能去則命貸錢三百萬吏白夷人狡詐又風波不可測則曰彼以急難投我可拒而不與耶已而償所貸如期後徙杭州再遷兵部侍郎致仕卒黃通志 則喜交結尙風義丁謂貶崖州賓客隨散落獨則閒遣人至

瓊州府志

卷二十九

官師 宦績

十一

海上饋問如平日

阮通志

祀名宦

李思純歸善人皇祐五年以三禮出身歷官朝奉郎知封州遷瓊州安撫使有遺愛於民士大夫

頌之

阮通志

李時亮廣西博白人嘉祐中舉進士累官知廉州有治聲嘗獻平南十策及疏時政得失神宗嘉之官檢校散騎常侍御史大夫亮善屬文尤長於詩與陶弼賡和號李陶集黃通志 元豐中管帥奏請頒賜書籍及修郡學創御書閣教士卓有

政聲

賈志

祀名宦

朱初平爲體量安撫使元豐中海南四州軍稅籍

殘缺吏多增損輒移稅入他戶代輸者類不能明瓊州昌化軍丁稅米歲移輸珠崖軍道遠民以爲苦至是用初平等議根括四州軍稅賦舊額存其正數二州丁稅米止令輸錢於珠崖軍自糴以便民瓊崖諸州如瓊山等縣感恩英由等場柵其地荒阻賣鹽不售類配抑衙前前後官此者或擅增鹽數煎鹽戶力不給有破產者元豐三年初平奏蠲鹽之不售者又約所賣數定爲煎額以惠遠民

黃志通

祀名宦

張頡字仲舉其先金陵人徙鼎州桃源第進士累遷廣東轉運使徙廣西轉運使罷歸未幾以直

瓊州府志

卷二十九

官師 宦績

十三

集賢院進直龍圖閣知桂州時有獻言者謂海南黎人陳被蓋五峯酋首異時盛強且爲中國患今請出兵自効宜有以撫納之命頡處其事頡使一介往呼之出補以牙校詔問何賞之薄對曰荒徼蠻蜚無他覬得是足矣尋罷兵海外

訖無事

阮志通

蘇軾字子瞻眉州眉山人嘉祐二年進士累官禮部尙書兼端明殿翰林侍讀學士紹聖中忤章惇蔡卞於是御史論軾掌內制日所作詞命譏斥先朝三貶至瓊州別駕昌化軍安置

賈志

到昌化軍謝表四月十七日奉被告命責授臣瓊州

別駕昌化軍安置臣尋於當月十九日起離萬州至七月二日已至昌化軍訖者

藝文見

昌化故

儋耳地非人所居藥餌皆無有初僦官屋以居有司猶謂不可軾遂買地築屋

宋史本傳

寓城東之

天慶觀結桄榔庵以居儋人運甓畚土助之

賈志

平生忠義耿介不容於朝自黃而惠由雷至儋冒風濤犯瘴癘留滯爲久然忠君愛國之心屢形章牘非人之所能也儋僻在海隅黎蜚雜處獨與幼子過以翰墨琴書自娛閒以尋幽覽勝爲事有黎許二氏者日相親炙載酒過從問奇請益當是時人皆化之文學至今而盛郡守張

瓊州府志

卷二十九

官師 宦績

十四

中尤如禮敬爲築堂澗上以爲往來遊息之所名之曰載酒時復觴詠其間豈拘拘惟麩蘖是務哉殆託此以寄羈思耳在儋四年被召內遷

徐智載酒堂記

徽宗立移廉州改舒州團練副使徙永

州建中靖國元年卒於常州

阮通志

祀名宦

張中紹聖間知昌化軍與蘇東坡善爲構載酒堂

解官北歸東坡作詩送之

蕭志

周因字興道浦城人紹聖四年進士除知瓊州民

陳韜焚澄邁臨高二縣憲司議招降因力爭不

得後果再叛因討平之官至中大夫致仕

阮通志

古革字仲通梅州人

今嘉州應

紹聖間進士教授瓊州

訓士不倦崙蠻多遣子弟受學會黎人叛郡檄入崙布諭蠻俗素知敬革遂率服狀聞於朝擢守潮州官至五品

阮通志

郭煜政和中知瓊州乞置澄邁西峯臨高定南兩寨以搯阻俚人由是道路無梗時稱能吏也

黃通志

志 祀名宦

郭汝賢字舜卿浦城人元符三年進士出知瓊州

黎蠻叛汝賢遣兵據要地前後掩獲降其酋海

上安堵以功增秩

阮通志

張大年浦城人政和五年進士周因帥廣西辟爲經畧司治平蠻獠通判瓊州海寇陳韜等聞其

瓊州府志

卷二十九

官師 宦績

十五

威畧率衆來降後知韶州卒於官

同上

張書言番禺人元符三年進士及第初爲廣東市

舶提舉後遷朝議大夫瓊筦安撫大使所至皆

有惠政嘗立弓箭社不論家業高下戶出一入

乃自相推擇家資武藝爲衆所服者爲社頭次

爲社副有警卽率弓箭手以備戰崙俚畏之

阮通志

志

虞沆會稽人紹興二年知瓊州以瓊隔海洋民瘼

鮮得上達吏無顧忌民苦侵漁此歷代積弊乃

上請不禁越訴仍乞敕監司按治重行責罰數

年之間積弊頓除民得安生

黃通志

祀名宦

李諤廣州番禺人建炎二年進士紹興間瓊管安撫使時州城甚隘許益作亂郭外民居多被焚掠諤乃築外羅城州人賴之郝通志 祀名宦

吳羣字無黨番禺人紹興壬戌進士以員外郎通

判瓊州郝通志作

時海盜竊發羣出俸資立城

堡以禦之崙黎爲亂羣單騎往諭遂輯兵歸耕先是李諤築外羅城羣至是加完整弭盜恤民政聲與諤埒瓊人歌之曰前有李君今見吳瓊管保障皆番禺民之父母邦之樞羣尤廉慎未嘗一介取於民終朝奉郎阮通志 祀名宦

鄧酢字賓禮始興人少穎悟紹興初詣闕上書召

瓊州府志

卷二十九

官師 宦績

十六

試授官知虔化縣權知梅州安撫瓊州親擒叛首戮之他崙俚望風震讐海南帖然除廣西運

判同上

韓璧粵之長樂人淳熙間爲瓊管帥出入阡陌勞來不倦期年化成黎人感慕願供田稅黃通志 嘗

修郡學朱子爲之記郝通志 祀名宦

周鄭字其乂海陵人淳熙中知吉陽軍寬平御下淳熙丁未給錢重修州學嘗遣熟黎入諭招撫得生黎五十餘崙每遇寅酉出城市貿易酷愛山水尋訪洞天作磨崖石船記至今猶傳黃通志 祀名宦

湯鸞將樂人紹興中武舉狀元授瓊州路萬安軍
時南洞王利學叛討平之諸黎讐服民立祠以

祀

阮通志

趙絳淳熙初知萬安軍黎人王集結兆多囊三崙
叛絳如瓊乞師屯賊衝未幾勦平三崙同上

王介保昌人慶元中瓊筦崙寇標掠鄉村逼城下
介遂奮勇擣其前鋒卻之以功擢武德將軍御

題賜旗云海外四州都安撫使

同上

崔與之字正于增城人紹興四年進士授潯州司
法參軍擢賓州軍州事特授廣西提點刑獄徧
歷所部浮海巡朱崖秋毫無擾州縣而停車裁

瓊州府志

卷二十九

官師 宦績

十七

決獎廉劾貪風采凜然朱崖地產苦荳民或取
葉以代茗州郡征之歲五百緡瓊人以吉貝織
爲衣衾工作皆婦人役之有至期年者棄稚遺
老民尤苦之與之皆爲榜免其他利病罷行甚
衆瓊人次其事爲海上澄清錄嶺海去天萬里
用刑慘酷貪吏厲民乃疏爲十事一曰獄囚充
斥之弊二曰鞫勘不法之弊三曰死囚冤枉之
弊四曰贓物供攤之弊五曰戶長科役不均六
曰弓手土軍騷擾七曰催科泛追八曰緝捕生
事九曰奸猾健訟十曰州縣病民申諭而痛懲
之高惟肖嘗刻之號嶺海便民榜

宋史本傳

廣舶趙

汝楷亦見之服爲吏師熙寧免役之法獨不及海外四州民破家相望與之議舉行未果以語顏幾幾守瓊遂行之嘗爲座右銘曰無以嗜慾殺身無以貨財殺子孫無以政事殺民無以學術殺天下後世年八十二薨阮通志 祀名宦

王沂之字春伯晉江人以門廕歷官知新州有惠政帥瓊管卻例冊錢貨民租卒於官阮通志

廖叔政字正臣晉江人慶元二年武舉歷興寧令瓊管寇作督捕有功復勦古縣獠寇臺闔上其功辟守吉陽改高州同上

劉椿字壽卿先領兵平澄邁臨高昌化三處寇端

瓊州府志

卷二十九

官師 宦績

十八

平初始知萬安買扶黎崙聞風相率至瓊迎納欸輸貢事詳黎順亭記瓊臺志

劉芳遠安福人初令澄邁仗忠義結民心歸已數年海南寇亂州郡不能制民走安福迎之奮然曰民吾故民不忍罹橫暴復來率衆敵賊兵微援寡隕首軍中爲國爲民忠憤激烈罕有其儔

郝通志 祀澄邁名宦

蔣科字進之電白人寶祐丙辰進士爲瓊州教授篤志教養校文以器識爲先提學諗其才以持己廉潔薦於朝秩滿擢儋之宜倫令撫輯黎崙教以詩書於聲利澹如也阮通志 祀名宦

毛奎字子文一字文通昭州雷川人淳祐間知吉陽軍能文章通術數知地理修城池移學養士嘗經營大小洞天作記題詩皆可傳後任滿去至南山舖不知所終後人於舖前山中立祠祀之黃通志祀崖州名宦

紀應炎遂溪人寶祐四年進士初試澄邁主簿有以白金餽者潛置米中覺卽遣還之邑海港可田募民塞之成田千餘畝入學贍士後宰南海

縣戴通志雷州傳

蔡齊基字夢傅連州人少篤學嘗著周易述解九

卷預鄉薦嘉定八年爲瓊州戶錄瓊管安撫使

瓊州府志

卷二十九

官師 宦績

十九

趙善譚見其書大喜謄寫進於朝參政樓鑰報善譚書曰湟州有此文人瓊管有此僚屬王孫典遠藩而能取此書奏聞使行於世皆所罕見

也阮通志連州傳

陳惟中字子敬吳川人寶祐四年進士任文昌縣景炎中轉餉艘至井澳元將劉深縱火焚艦惟中與司戶何時方朝食投箸而起力戰俱被創值天反風餉艦乘上流亦縱火深兵始退阮通志高

州列傳

張應科咸淳間瓊管安撫使祥興戊寅遣與王用攻雷州三戰皆不克用降於元應科誓死報國

再決戰城下遂死於敵○按是歲宋之氣脉已盡然續綱目書亡於己卯者以次春帝昺尙在故也瓊郡二使君應科死於夏與珞死於冬自是合州降没天下守臣無復有拒敵者豈不爲凜凜後凋之松柏哉張世傑傳乃謂應科死於丁丑誤矣黃通志 祀名宦

趙與珞宋宗室咸淳初爲瓊管安撫使祥興元年秋元將阿里海涯畧地海外遣宣慰舊帥馬旺招降不聽率義勇謝明謝富冉安國黃之傑等兵禦白沙口極力死戰舟師不得登岸久之元將患焉名十一月士辰因購內應執與珞等以

降謾罵不屈元將怒皆裂殺之與珞素有膽畧海外諸蠻小國皆倚爲重旣死由是四州縣及外蠻皆附於元黃通志 祀名宦

元

朱國寶其先徐州人後徙寶坻世祖至元十六年遷定遠大將軍海北海南道宣慰使尋移海南四州宣慰使立官程更弊政訓兵息民具有條制南寧謝有奎負固不服國寶開示信義有奎感悟以其屬來歸於是黎民降者三千戶蠻峯降者三十所十八年破臨高蠻寇五百人招降居亥番毫銅鼓博吐桐油等十九崙遣步將韓

旺率兵畧大黎密塘橫山誅首惡李實火其巢
生致大鐘小鐘諸部長十有八人加鎮國上將
軍本道宣慰使都元帥二十年請益兵討占城
詔以阿里海涯軍萬五千人應之供給軍餉事
集而民不擾遷廣南西道宣慰使入覲帝慰勞
之後子斌襲職累官海北海南道宣慰使都元
帥黃通志祀名宦

濶里吉思蒙古按刺歹氏世祖朝榮祿大夫行湖
廣平章至元二十八年將兵同陳謙亨討海南
諸崗黎又明年平之曾建議立定安會同二縣
萬全寨珠崖鄉校因召還以未收諸崗付元帥

瓊州府志

卷二十九

官師 宦績

二十一

朱斌成功又見帝賜玉束帶金銀幣帛弓矢甲
冑及寶鈔鞍勒得旨還鎮黃通志祀名宦

雲從龍字無心隴西人初爲管轄佐管帥馬撫機
平崖賊陳明甫等有協贊功諸黎村崗多服之
後爲海北海南道宣慰使撫綏有方復收亂黎
陞廣東按察使累功至中書行省參知政事子
孫家於文昌後裔蕃衍爲文昌著姓賈志祀名宦
烏古孫澤字潤南臨潢人其先女眞烏古部因以
爲氏澤性剛毅讀書舉大畧一切求諸己不事
章句才幹過人至元二十九年湖廣平章政事
濶里吉思薦澤才堪將帥以行省員外郎從征

海南黎人平軍還上功授廣南西道宣慰副使
七月爲廣西兩江道宣慰副使僉都元帥府事
邊民賴之擢爲海北海南廉訪使阮通志

按攤蒙古怯烈氏也先不花子成宗朝襲長宿衛
大德未有旨給七乘傳侍父於湖廣諸道憲司
以其孝行聞拜中奉大夫海北海南道宣慰使
海埭與安南占城諸夷接境海島生黎叛服不
常按攤威望素著夷人悅服生黎生高等二十
餘崙皆願輸貢稅在鎮期年以省親辭去黃通志
祀名宦

拜都延佑二年爲海北海南廉訪司副使崇重學

瓊州府志

卷二十九

官師 宦績

二十一

校建三賢堂追徵欺騙學田錢七千餘緡有秉
道嫉邪之政三年又有趙珍來爲廉訪僉事平
反獄訟民無冤滯與照磨范楨改創學宮政有
可述焉天歷初又有賈煥字世甫大梁人爲廉
訪使愛民厚俗嘗著勉學說以示士子皆深得
憲體而尤著意於學校作養云黃通志

呂琬

賈志作
呂統

字蒙甫冀寧人

賈志作汾
州西河人

天歷二年

海北海南道廉訪僉事肅正風紀修築城池興
學校厚風俗嘗按部於瓊以宣化敦俗爲先務
有惠政於民至正初陞廉訪使再任卒於雷軍
民挽柩悲哀以送之黃通志 祀名宦

范梈字亨父一字德機清江人天姿穎異所誦讀輒記憶耽詩工文用力精深以朝臣薦爲翰林院編修擢海北海南道廉訪司照磨嘗錄囚於瓊巡歷遐僻不憚風波瘴癘所至興學教民雪理冤滯甚衆天曆二年授湖南嶺北道明年十月卒梈持身廉正居官不可干以私疏食飲水泊如也吳澄以道學自任少許可嘗曰若亨父可謂特立獨行之士矣爲文誌其墓以東漢諸君子□之黃志通祀名宦

王英字邦傑益都人性剛果有大節膂力絕人元統元年授懷遠大將軍同知海北海南道宣慰

瓊州府志

卷二十九

官師 宦績

二十二

使司事至元三年萬安軍賊吳海期等作亂聚衆三千人英至賊皆就擒阮志通

馬合謨字端卿回回人後至元三年爲海北海南道廉訪司副使廉介嚴明重農勸學夏旱禱雨令儒生齊戒集於文廟誦雲漢之詩告祝懇至卽日大雨時有中丞懿麟班謫居於瓊剝擾鹽場罔民殖貨合謨使人致言曰中丞得罪當闔門謝過豈可更爲不法以重累乎麟班聞之卽

日斂愼

阮志通

楊漢杰字子英蜀人泰定中任萬安軍重修軍治建書樓購經史天曆初又清學田建艾繚橋卓

有政聲士民咸服

賈志

賀賈萬安知軍督開洪口溪導水東流設陂三十所溝十八條灌田七千餘畝民霑其利祀州名

宦

萬州志

吳正卿字素臣遂溪人元統中爲合浦縣尹有惠政海北廣西兩憲交章薦舉歷任知南寧軍所得薪俸奉親之餘皆以周鄉黨之急家無餘蓄

致仕歸

戴通志

游宏道江右人至正間爲化州路通判廉而不苛九年海寇犯合浦逼瓊山宣司移檄瓊廉高化四郡以兵討之宏道承令出己資三萬緡貫銀

瓊州府志

卷二十九

官師 宦績

二十四

幣購賞統領義士張友明等七百餘人海船數十艘會諸郡官兵追寇遇於海南澄邁石礮港時寇窮蹙以死戰先鋒張友明戰甚力俄而海南兵皆赴水走其寇乘勝四合諸官軍亦以走免惟宏道與石龍簿木孳飛廉州同知羅武德及先鋒張友明俱以戰死邦人哀慟墓祀之

黃通

志

大都回回人至正間由國子博士任萬安軍以廉稱嘗遣人如杭求魯司寇像及置祭器書籍重

修軍治並艾繚橋

蕭志